



## ԵԿԵՂԵՑԱԿԱՆ ԲԵՄ. ԼՈՒՐԵՐ

**Հուլիսի 8-ին, հինգշաբթի.**—Այսօր, կեսօրին, Բյուրականի «Հայկաշէն» հայրապետական ամառանոցում, Վեհափառ Հայրապետի նախագահությամբ, գումարվում է Գերագույն հոգևոր խորհրդի հերթական նիստը:

Նիստին մասնակցում էր նաև ուխտավորաբար Մայր Աթոռում գտնվող Գերագույն հոգևոր խորհրդի անդամ և Արևմտյան Եվրոպայի հայրապետական պատվիրակ և Ֆրանսիայի հայոց առաջնորդ Ս. Սերովբե արքեպ. Մանուկյանը:

Հավարտ ժողովի տեղի է ունենում ճաշկերույթ, որին Վեհափառ Հայրապետի քարեհաճ արտոնությամբ մասնակցում են նաև Մայր Աթոռի միաբանները:

\*  
\*  
\*

**Հուլիսի 8-ին, կիրակի.**—Այսօր Մայր տաճարում, Ավագ խորանի վրա, ս. պատարագ է մատուցում Ս. Եզնիկ քհն. Պետրոսյանը և «Հայր մեր»-ից առաջ քարոզում «յաւուր պատշաճի»:

\*  
\*  
\*

**Հուլիսի 11-ին, ուրբաթ.**—Այսօր, Վեհափառ Հայրապետից հրաժեշտ առնելով, իր

պաշտոնատեղին է մեկնում Արևմտյան Եվրոպայի հայրապետական պատվիրակ և Ֆրանսիայի հայոց առաջնորդ Ս. Սերովբե արքեպ. Մանուկյանը:

\*  
\*  
\*

**Հուլիսի 14-ին, երկուշաբթի.**—Յիշատակ մեռելոց.

Այսօր Մայր տաճարում, Ավագ խորանի վրա, ս. պատարագ է մատուցում Ս. Բարսեղ քհն. Ղազարյանը:

Հավարտ ս. պատարագի կատարվում է հոգեհանգիստ՝ «վասն համօրէն անջեցելոց»:

\*  
\*  
\*

**Հուլիսի 18-ին, ուրբաթ.**—Այսօր Վեհափառ Հայրապետը եօթոյս հանգստի է մեկնում Բյուրականի «Հայկաշէն» հայրապետական ամառանոց և նույն օրը քարեհաճում է Իրեն սեղանակից դարձնել Մայր Աթոռի միաբանությանը:

\*  
\*  
\*

**Հուլիսի 20-ին, կիրակի.**—Այսօր Մայր տաճարում, Ավագ խորանի վրա, ս. պա-



տարագ է մատուցում նորընծա Տ. Արել արդ. Օղյուզյանը և «Հայր մեր»-ից առաջ քարոզում «Լոյս ճշմարիտ Քրիստոս Աստուած, առ քեզ հոգի իմ առաւօտէ, ի յերկրի երևեցո ինձ գերեսս քո» (շարական) քնարանով:

\*  
\*  
\*

**Հուլիսի 22-ին, երեքշաբթի.**—Այսօր, անավտոյան ժամը 10-ին, հոգևոր ճեմարանում տեղի է ունենում մանկավարժական խորհրդի հերթական նիստ, որին մասնակցում են շուրջ 20 դասախոսներ:

Նիստի ընթացքում տեսչի պաշտոնակատար Տ. Եզնիկ քհն. Պետրոսյանը նախ ամփոփում է 1979—80 ուսումնական տարվա կատարված աշխատանքները և ապա համընդհանուր քննության ներկայացնում գալիք՝ 1980—1981 ուսումնական տարվա ուսումնա-դաստիարակչական ծրագրերը:

Այնուհետև քննարկվում են նաև կազմակերպչական մի շարք այլ հարցեր և ընդունվում համապատասխան որոշումներ:

\*  
\*  
\*

**Հուլիսի 24-ին, հինգշաբթի.**—Այսօր հոգևոր ճեմարանի ուսանողները մեկօրյա շրջապտույտի են մեկնում Հովհաննավանք և Սաղմոսավանք:

\*  
\*  
\*

**Հուլիսի 26-ին, շաբաթ.**—Այսօր Բյուրականի «Հայկաշէն» հայրապետական ամառանոցում, Վեհափառ Հայրապետի նախագահությամբ, գումարվում է Գերագույն հոգևոր խորհրդի հերթական նիստը:

\*  
\*  
\*

**Հուլիսի 27-ին, կիրակի.**—Այսօր Մայր տաճարում, Ավագ խորանի վրա, ս. պատարագ է մատուցում նորընծա Տ. Զատիկ արդ. Ավետիքյանը և «Հայր մեր»-ից առաջ քարոզում «Ջարձրեալն գ-Քրիստոս արասցուք մեզ ապաւէն, զի ոչ հասցեն առ մեզ չարք և տանջանք մի մերձեցին ի հարկս մեր» (մաղթանք) քնարանով:

Ս. պատարագին ներկա էր Վեհափառ Հայրապետը:

Հավարտ ս. պատարագի կատարվում է հոգեհանգիստ՝ «նորոգ հանգուցեալ» Մայր Աթոռի բարերար, մարտելահայ Արծրուն Զրբաշյանի հիշատակին:

\*  
\*  
\*

**Հուլիսի 30-ին, չորեքշաբթի.**—Այսօր Վեհափառ Հայրապետը մոտ մեկամյա ամառային հանգստի է մեկնում Կիլովոդսկի «Կրասնըե կամի» առողջարան:

Այս առթիվ Վեհափառ Հայրապետին ուղեկցում էր Տ. Գրիգորիս վրդ. Բունիաթյանը:

Երևանի օդանավակայանում Վեհափառ Հայրապետին բարի ճանապարհ մաղթեցին Տ. Սիոն, Տ. Հուսիկ, Տ. Արսեն սրբազանները և Մայր Աթոռի միաբանությունը:

Վեհափառ Հայրապետին բարի ճանապարհ մաղթելու էին եկել նաև Հայկական ՍՍՀ Միմիստրների խորհրդին աղբյուր Հայ Եկեղեցու գործերի խորհրդի նախագահ տիար Ռ. Պարսամյանը և տեղակալ տիար Ա. Հասրաթյանը:

\*  
\*  
\*

**Հուլիսի 31-ին, հինգշաբթի.**—Այսօր հոգևոր ճեմարանի ուսանողները մեկօրյա շրջապտույտի մեկնեցին դեպի Սևանա լիճ, Այրավանք և Նորադուղ՝ տեղի խաչքարերը դիտելու համար:

\*  
\*  
\*

**Օգոստոսի 3-ին, կիրակի.**—Այսօր Մայր տաճարում, Ավագ խորանի վրա, ս. պատարագ է մատուցում Տ. Մովսիկ վրդ. Սարգսյանը և «Հայր մեր»-ից առաջ քարոզում «Եկայք առ իս ամենայն աշխատեալք և ծանրաբեռնեալք և ես հանգուցից զձեզ» (Մատթ. ԺԱ. 28) քնարանով:

\*  
\*  
\*

**Օգոստոսի 7-ին, հինգշաբթի.**—Այսօր հոգևոր ճեմարանի ուսանողները մեկօրյա շրջապտույտի մեկնեցին դեպի Ամբերդ:

\*  
\*  
\*

**Օգոստոսի 10-ին, կիրակի.**—Այսօր Մայր տաճարում, Ավագ խորանի վրա, ս. պատարագ է մատուցում Տ. Ստեփանոս արդ. Զաքարյանը և «Հայր մեր»-ից առաջ քարոզում «Եւ վասն Սրբուհոյ Աստուածածնի բարեխօսութեամբ, Տէ՛ր, ընկալ զաղաչանս մեր և կեցո զմեզ» աղոթք-քնարանով:

\*  
\*  
\*

**Օգոստոսի 14-ին, հինգշաբթի.**—Այսօր հոգևոր ճեմարանի ուսանողները մեկօրյա շրջապտույտի մեկնեցին դեպի Հանքավան:



Օգոստոսի 17-ին, կիրակի.—Տօն Վերափոխման Ս. Աստուածածնի.

Այսօր Մայր տաճարում, Ավագ խորանի վրա, ս. պատարագ է մատուցում ուխտավորաբար Մայր Աթոռում գտնվող Լոս-Անջելոսի Ս. Սարգիս եկեղեցու ծիսակատար քահանա Ս. Վարդան քհն. Դյուրգարյանը:

Հավարտ ս. պատարագի կատարվում է «Օրհնություն խաղողոյ» արարողությունը՝ նախագահությամբ Մայր տաճարի լուսարարապետ Ս. Հուսիկ արքեպ. Սանթուրյանի:

Օգոստոսի 18-ին, երկուշաբթի.—Յիշատակ մեռելոց.

Այսօր Մայր տաճարում, Ավագ խորանի վրա, ս. պատարագ է մատուցում Ս. Արտակ քհն. Սիմոնյանը:

Հավարտ ս. պատարագի կատարվում է հոգեհանգիստ՝ «Վասն համօրէն ննջեցելոց»:

Օգոստոսի 28-ին, շաբաթ.—Այսօր, կեսօրից հետո, Կիլովոդակում մոտ մեկամսյա հանգստից հետո, Մայր Աթոռ է վերադառնում Ամենայն Հայոց Վեհափառ Հայրապետը՝ ողբեկցությամբ Ս. Գրիգորիս վրդ. Բունիաթյանի:

Օգոստոսի 24-ին, կիրակի.—Այսօր Մայր տաճարում, Ավագ խորանի վրա, ս. պատարագ է մատուցում ուխտավորաբար Մայր Աթոռում գտնվող Խարթումի հոգևոր հովիվ Ս. Օշական քհն. Աշրգյանը և «Հայր մեր»-ից առաջ քարոզում «Տէ՛ր, եթէ գշերթունս իմ քանաս, քերան իմ երգեսցէ զօրհնութիւնս քոյ» (Սաղմոս) բնաբանով:

Ս. պատարագին ներկա էր Վեհափառ Հայրապետը:

Օգոստոսի 25-ին, երկուշաբթի.—Այսօր, առավոտյան, հոգևոր ճամբարանում սկսվեցին 1980—1981 ուսումնական տարվա ընդունելության քննությունները:

Նույն օրը ուխտավորաբար Մայր Աթոռ է ժամանում Կալկաթայի հոգևոր հովիվ Ս. Հակոբ քհն. Դյուկչյանը:

Օգոստոսի 27-ին, չորեքշաբթի.—Այսօր, առավոտյան, Մայր Աթոռի միաբանությունը մեկօրյա շրջապտույտի է մեկնում դեպի Սևան, Դիլիջան և Պարզ լիճ:

Նույն օրը Վեհափառ Հայրապետին են այցելում 14 հայ գաղթօջախներից ժամանած շուրջ 50 հայ ուսուցիչներ, որոնք մայր հայրենիքում են գտնվում Սփյուռքահայության հետ մշակութային կապի կոմիտեի կազմակերպած մեկամսյա դասախոսություններին մասնակցելու համար:

Օգոստոսի 31-ին, կիրակի.—Տօն Գիտի գոտույ Սրբուհույ Աստուածածնի.

Այսօր Մայր տաճարում, Ավագ խորանի վրա, ս. պատարագ է մատուցում ուխտավորաբար Մայր Աթոռում գտնվող Երուսաղեմի Սրբոց Հակոբյանց միաբանության անդամ, Նյու Յորքի Ս. Վարդան առաջնորդանիստ եկեղեցու լուսարարապետ Ս. Խաժակ վրդ. Պարսամյանը և «Հայր մեր»-ից առաջ քարոզում Աստվածածնի՝ որպես մոր դերի նշանակության մասին:

Ս. պատարագին ներկա էր Վեհափառ Հայրապետը:

